

## ԱՅԼ ԵԿԵՂԵՑԻՆԵՐ

## ՊՐԱՌՕՍԼԱԻ ԵԿԵՂԵՑԻ ՌՈՒՍԸՑ

«Наша-жизнь» թերթի հոկտեմբերի 25-ի համարում կարդում ենք:

Երեկ միայն հրատարակուեց սրբազան Սինոդի որոշումը, որով յանձնարարւում է թեմակալ առաջնորդներին՝ հրաւէր կարգալ հոգևորականութեան, որ ամեն միջոց և ազդեցութիւն գործ դնեն վերջ դնելու ազգաբնակչութեան փոխադարձ կռուի և թշնամութեան: Դատապարտելի յայտարարւում: Սրբազան Սինոդը մինչև հոկտեմբերի 22ը ժամանակ չըգտաւ կայացնելու իւր որոշումը այն վրդովեցուցիչ քարոզի դէմ, որ հրատարակուեց — «ինչ պէտք է անենք այս յուզուած ժամանակում» վերնագրով, որը կարգացւում էր Մոսկուայի եկեղեցիներում և որը տպուեց և տարածուեց Մոսկուայի թեմական իշխանութեան կարգադրութեամբ դեռ հոկտեմբերի 16-ից: Նոյն իսկ Սինոդի վերոյիշեալ որոշումը ոչ թէ կայացել է ընդհանուր ժողովում, այլ միայն զեկուցմամբ, որը ստորագրելու համար ման են ածել տնից տուն՝ անդամների մօտ:

Ամբողջ երկրում արիւն է թափւում, խաղաղ քաղաքացիների դէմ կատարւում են սոսկալի բռնութիւններ, իսկ մեր բարձր հոգևորականութիւնը միայն այժմ, երբ այդ բռնութիւնները կատարուած են, կարեւոր է համարել հրաւիրել «ստորագրեալ» թեմակալ առաջնորդներին, որ սրանք էլ կոչ անեն իրենց «ստորագրեալ» քահանաներին՝ խաղաղութիւն քարոզելու ներքին երկպառակութեան դէմ. կարեւոր է գտել անել այդ այն ժամանակ, երբ Սինոդին ստորագրեալ սրբազանները բռնութեան կրակի վրայ նաւթ լցրին և եկեղեցու բեմից քարոզում էին վրէժ և եղբայրասպան պատերազմ: Հոգևորականութեան խաղաղացնող ձայնը իւր ժամանակին կարող էր խաւար ամբոխը զսպելու համար բաւական բան անել: Սակայն ոչ թէ միայն Մոսկւայի թեմական իշխանութեան կողմից ցրուած խրատի մէջ, կարելի է տեսնել՝ ինչպէս մեղմիւ նկատում է սրբազան Սինոդը, «կոչ ազգաբնակչութեան ըստ քաղաքական համոզմունքների կնքնապաշտպանութեան դիմելու, որը միակողմանի մեկնութիւն տալիս կարող է առիթ լինել ազգաբնակչութեան մէջ ներքին



կռիւ յառաջ բերելու», այլ և ուրիշ շատ թեմերում հրատարակուած նման «խրատների» և «կոչերի» մէջ:

Դեռ հոկտեմբերի 17-ի հրովարտակից մի քանի օր առաջ Սարատովում իւր պատերազմասիրութեամբ հռչակուած Գերմոգէն Եպիսկոպոսը ցրւում էր կոչեր և քարոզում էր «պաշտպանել քաղաքական համոզմունքները», որ և արտայայտուեց նոյն Սարատովում սոսկալի աւերածութեան և բռնութեան մէջ: Վերջին արիւնալից տրագէդիայի մէջ մեր հոգևորականութեան որոշ չափով մասնակցութիւն ունենալը արդէն ակներեւ է և ուշացած հրամանները բարձր հոգևոր իշխանութեան կողմից՝ խաղաղութիւն քարոզելու մասին, միայն հաստատում են նրա մեղսակցութիւնը այդ եղբայրասպան կռուի մէջ՝ երբէք չընպաստելով իսկական խաղաղացման գործին: Նոյն Մոսկվայում մինչև վերջին օրերս տեղի ունի գաղանացած ամբոխի կողմից վայրագ բռնութիւն ինտէլիգէնցիայի առանձին անհատների և մանաւանդ ուսանողների դէմ: Մոսկուայի հոգևորականութեան մարդատեցութեան քարոզը՝ «մենք ի՞նչ պէտք է անենք» ի հարկէ տարածուեց գիւղեր և քաղաքներ՝ ամեն տեղ առաջ բերելով նման մարդատեցութեան ագիտացիա հոգևորականութեան կողմից: Եւ կարելի է երկիւղ կրել, որ նա այժմ գործում է գիւղերում, իսկ Սինօդի որոշումը հոկտեմբերի 22-ից խաղաղացման մասին դեռ շուտ չի հասնիլ հոգևորականութեան ստորին խաւերին: Սինօդն անսովոր եռանդով և արագութեամբ արձագանք էր տալիս ազատարար շարժումը ճնշելու գործում, ինչպէս այդ եղաւ բանւորներին եապոնական փողերով կաշառած լինելու շրջաբերականի մէջ Պետերբուրգում յունվարի 9-ին տեղի ունեցած դէպքերից յետոյ, իսկ իւր որոշումները խաղաղութեան մասին նա գրում է շատ դանդաղ, զգոյշ, դիւանական բութ լեզուով, և այս ոտնաստիճի օրերին նրա անդամները նոյն իսկ միասին ժողովուելու ժամանակ չեն գտնում:

Բաւական է, որքան մեր հոգևոր հաստատութիւնը դատապարտելի դեր խաղաց բռնութեան քաղաքականութիւն քարոզելու գործում կործանուած կաղմակերպութիւնը պաշտպանելու դիտաւորութեամբ, բաւական է եկեղեցիների բեմից թշնամութեան և երկպառակութեան քարոզը, բաւական է ոստիկանութեան և աւերիչներին գործակցելը: Նոր, երիտասարդ Ռուսաստանը օրհնութեամբ չի յիշիլ հոգևոր հովիւներին և ուսուցիչներին, նա նրանց կը կնքի բռնութիւն և թշնամութիւն սերմանողների անպատուաբեր անուամբ:

Մենք հրաւիրում ենք ընթերցողներին ուշադրութիւնը Պե-



տերբուրդի 32 քահանաների կոչի վրայ Այդ կոչով նրանք հրա-  
ւէր են կարգում հոգևոր հովիւներին և քաղաքացիներին, որոնց  
խորթ չէ սիրոյ և խաղաղութեան պատգամը, հանդարտեցնել  
բորբոքուած կրքերը և վերջ դնել եղբայրասպանութեան:

Մենք խորապէս համակրում ենք այդ կոչին, որը քաղա-  
քականութիւնից հեռու է: Տարաբաղդաբար հոգևորականու-  
թեան միջից միայն առանձին անհատներ են հանդէս գալիս  
զուտ քրիստոնէական քարոզով: այն ինչ բարձր հոգևորակա-  
նութեան բիւօկրատիական հաստատութեան ստորագրեալ մե-  
ծամասնութիւնը՝ բառիս լայն իմաստով՝ մղում է քաղաքական  
ազիտացիան և այն ամենակոպիտ ձևով:

Մենք սկզբունքով հակառակ չենք, որ հոգևորականութիւնը  
մասնակցի քաղաքական կռուին, բայց մենք վճռականապէս  
դէմ ենք, որ այս կամ այն քաղաքական հայեացքների քարո-  
զութեան և ազիտացիայի տեղը եկեղեցու բեմը լինի: Թող հո-  
գևորականութիւնը մանի հառարակական ժողովարաններ, ներ-  
կայ լինի միտաինքների, թող նա գրի և խօսի ինչ և ինչպէս էլ  
ուզում է. նա պատասխան կըստանայ, կը հերքուի քաղաքական  
այլ համոզմունքների հայեացքների աէր մարդկանց կողմից: Բայց  
տաճարներում, բեմերից, որտեղ ընդդիմախօսել չի կարելի,  
որտեղ հովուի իւրաքանչիւր խօսքը հաւատացողների աչքին  
առանձին նշանակութիւն է ստանում և մեկնւում բարձր հեղի-  
նակութեամբ, քաղաքական քարոզները և այն էլ «ինքնապաշտ-  
պանութեան» կոչով և համարեա բռնութեամբ պաշտպանելու  
քաղաքական համոզմունքը, երբէք տեղի չըպէտք է ունենան:

Բարձրագոյն ուկաղով ռուսաց Սինօդի օրեր—պրօկուրօ-  
րութեան պաշտօնից արձակուած է Պօբեդօնոսցևը, որը ամբողջ  
25 տարի որոշ գոյն և ուղղութիւն էր տալիս պետական ներ-  
քին քաղաքականութեան: Օգեսայում հոգևոր գպրանոցի աշա-  
կերանների ժողովում կտոր կտոր են արել Պօբեդօնոսցևի պատ-  
կերը: Գպրանոցը փակուած է:

Կենտրոնների արքեպիսկոպոսը Պետերբուրգի միտրօպոլիտին  
հեռագիր է ուղարկել հետևեալ իմաստով:—Անգլիական եկե-  
ղեցու կողմից խորին ցաւակցութիւն եմ յայտնում ռուսական  
եկեղեցուն այն մեծ դժուարութեանց առթիւ, որի մէջ  
դտնւում է երկիրը ազգային կեանքի բարեկարգութեան ըոպէ-

ներում: Սոյս ենք տածում ձեր քրիստոնէական ջանքերի վրայ  
և աղօթում, որ սրհնուին ձեր աշխատանքները՝ զսպելու ագի-  
տութեամբ և կրքով կուրացած մարդկանց կործանիչ գործու-  
նէութիւնները:

### ՊԵՏԵՐՅՈՒՐԳԻ ՔԱՆԱԿԱՆՈՒԹՅԱՆ ԿՈՂՄԻՏԵ

Բոլոր դասնութեանց եղբայրակից հովիւներին, որոնց համար  
քանկ են Բրիստոլի պատգամները մեր օրերի սոսկալի դեպքերի  
վերաբերութեամբ:

Եղբայրներ . . .

Ծանր, սոսկալի, հակաքրիստոնէական չարիք է կատար-  
ւում մեր շուրջը . . . Իւրաքանչիւր օր, իւրաքանչիւր ժամ  
մենք ստանում ենք մէկը միւսից սարսափելի տեղեկութիւններ՝  
Հարաւում, Հիւսիսում և Արեւելքում կատարուածների մասին . . .

Արեւմտահայ սարսափներից մարդուս արիւնը պաղում է  
երակներէ մէջ, սիրտը կսկծից կտոր-կտոր լինում:

Ի՞նչ կլինի, ինչով կը վերջանայ հրդեհը: Երեւակայութիւնն  
անզօր էր պատկերացնելու Տօմսկի հաղարարի գերեզմանների  
հնարաւորութիւնը:

Քրիստոնէայը այրում են հարիւրաւոր կանանց և նոյն իսկ  
երեխաներին . . . բայց ի՞նչ կարող է պատահել այսուհետեւ:  
Գուցէ առաւել սարսափելի մի բան, որից կը սոսկայ ամբողջ  
աշխարհը:

«Գատապարտուի նա, որի շրթունքները լուր կը մնան այս  
օրերին»: Ով որ կսկծի ու սարսափի աղաղակով, բողբօլ և  
պաղատանքով չի գիմադրիլ բռնութեան:

Լռելու ժամանակ չէ. պէտք է ամենքը, որոնց կը ծքում  
բարախում է սիրտը և գործում է գիտակցութիւնը, լարեն ի-  
րենց բոթերը, որ կանգնեցնել կարողանան ամենակործան չա-  
րիքի հեղեղը:

Եղբարք, պրաւօսլաւ հովիւներ.

Ամենից առաջ դուք պէտք է բարձրացնէք ձեր հովուական  
ձայնը . . . Թափւում է մեր հաւատակից կամ հայրենակից  
եղբայրների արիւնը, որոնք մեզ պէս տրամում և տանջւում  
են նրա տրամութեամբ և տանջանքով:

Կոտորւում է մեր հօտը, կոտորւում են քրիստոնէաներին,  
կամ որ աւելի վատ է, քրիստոնէայի դառնում են մարդա-